



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 71. Diversæ summi Pontificis Constitutiones & decreta.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

„usum omnibus, & singulis Christi fi- Sæc. XVIII.
 „delibus, etiam specifica, & indivi- A.C. 1736.
 „dua mentione dignis, sub pœna Ex-
 „communicationis per contrafacientes
 „ipso facto absque alia declaratione in-
 „currenda, a qua nemo a quoquam
 „(præterquam a Nobis, seu Romano
 „Pontifice pro tempore existente) nisi
 „in mortis articulo constitutus, absolu-
 „tionis beneficium valeat obtinere,
 „omnino interdiciamus“. De cetero
 Courayerus Calviniana sua versione,
 notisque haud aliam, quam non pau-
 ci ejusmodi Cuculati transfugæ retule-
 runt, & ipse mercedem acceperat, scili-
 cet ut cum ita Protestantibus favere
 vellet, ut a Catholicis palam dissenti-
 re nollet, nec his nec illis satisfecerit,
 sed ab omnibus tanquam hypocrita,
 vel idiota, & Calvinianæ simulque Ca-
 tholicæ doctrinæ systema ignorans de-
 rideretur. Denique anno Christi supra
 millesimum septingentesimo quadrage-
 simo sexto Sacræ Inquisitionis Roma-
 næ Congregatio die septima Octobris
 pariter Courayeri Vindicias atro styg-
 mate notavit.

§. LXXI.

*Diversæ summi Pontificis Constitutio-
 nes & decreta.*

Hist. Eccles. Tom. LXXV. Z In-

Sæc. XVIII. Inter tot tantasque turbas, quibus
 A. C. 1736. Clemens Papa identidem jactabatur,
 nequaquam animum oculosque aver-
 tit a paterna sollicitudine, qua utrum-
 que Clerum ad exactam disciplinæ ob-
 servantiam inducere, & subinde suo
 crescentia zizania eradicare curabat.
 Eo tendebat præprimis ejus Constitutio,
 qua die nona Januarii decretum
 Congregationis Episcoporum & Regularium
 die decima sexta Decembris anno
 priori editum confirmavit. Illius
 occasio erat hæc: Pluribus abhinc annis
 in Hispana Congregatione FF. Eremitarum
 discalceatorum S. Augustini abusus conferendi
 nonnullis Religiosis Congregationis præfatæ,
 qui munus Ministri Provincialis minime exerce-
 rant, gradus, honores, vocem, privilegia,
 & exemptiones, quibus gaudere solebant
 illi, qui provincialatus hujusmodi munere
 functi fuerunt, cum nomine Provincialium
 honoratiorum irreperat, totumque id in detri-
 mentum Regularis observantiæ redundabat,
 ambitionis causam præbebat, & in Religionis
 ruinam tendebat, inter Religiosos invidiam
 concitabat, nec non in multis dissidia
 fovebat, videns non esse necessarios labores
 in Religione pro acquirendis illis honoribus,
 & exemptionibus, qui de jure solum dignis im-
 pertie

pertiebantur, idque aliarum dissensionum causa fuerat.

Sæc. XVIII.
A. C. 1736.

Adversus hunc abusum Alphonsus a S. Magdalena dictæ Congregationis Vicarius Generalis reclamans, a S. Congregatione Regularium decretum vi cuius ejusmodi gradus honorarii prohibebantur, obtinuit, illudque ad ejus preces Clemens Papa auctoritate Apostolica confirmavit.

Die etiam decima quarta ejusdem Mensis idem Pontifex in causa Suesfana Jurium Parochialium innovavit S. Congregationis Concilii decretum jam anno supra millesimum sexcentesimo quinquagesimo editum, cujus verba sunt hæc: „Sacra Congregatio Concilii, post maturam discussionem, censuit, Archiepiscopum Burdigalensem non posse prohibere Regularibus, habentibus privilegia Apostolica, ut a Dominica Palmarum usque ad Dominicam in Albis inclusive non valeant ministrare personis secularibus Sacramentum Communionis, posse tamen iisdem prohibere, ut personis secularibus die Paschatis non administrent dictum Eucharistiæ Sacramentum, etiamsi dictæ personæ seculares satisfecissent præcepto Ecclesiæ hac de re edito“. Alterum emanavit in causa Mechlinien. anno 1682. quod in

Z 2

sacræ

Sæc. XVIII. sacrae Congregationis Actis ita legitur
 A. C. 1736. adnotatum : „Parochi loci Lovani
 „conquerentes sanctissimum Eucharistiae
 „Sacramentum personis secularibus ministrari a Dominica Palmarum
 „usque ad Dominicam in Albis a Regularibus, & praesertim Societatis Jesu
 „su, praetextu privilegiorum, unde
 „arguunt, juribus parochialibus praescriptum
 „judicium inferri, & Ecclesiae praescriptum
 „tum eludi, cum non desint salso allegantes,
 „rentes, se in Ecclesiis Regularium illi satisfecisse; libellum porrexerunt
 „Sanctissimo Domino nostro, ut hinc inde
 „malis occurreret, vetando Regularibus, ne praefato tempore dictum Sa-
 „cramentum audeant ministrare. Cum
 „autem Sanctitati suae placuerit ad satisfactionem
 „gram Congregationem Concilii remittere hujusmodi preces, Patri Procuratori
 „ratori provinciae Belgicae Jesuiticae successive communicatas, proponitur
 „dubium: An Patres Societatis Jesu, & alii
 „alique Regulares possint ministrare sanctissimum
 „Eucharistiae Sacramentum personis secularibus a
 „Dominica Palmarum usque, & per totam Dominicam
 „in Albis. Cui die 31. Januarij ejusdem anni 1682. responsum
 „fuit affirmative, excepto die Paschalis; ita tamen,
 „ut in aliis diebus festis, & in aliis locis, ubi
 „Regulares ministrant Eucharistiam a Regularibus
 „intra

„intra duas hebdomadas Palmarum, Sæc. XVIII.
 „& Paschatis, non satisfaciant præ- A. C. 1736.
 „cepto“.

Præterea summus Pontifex die decima tertia Martii Tertiariis Capuccinis Ord. S. Francisci communicavit illas quoque indulgentias, quæ Fratribus & Sororibus Ord. B. V. Mariæ de Monte Carmelo a Sacra Sede fuerunt concessæ: die autem vigesima secunda ejusdem Mensis idem Pontifex confirmavit Regulas & Constitutiones Collegii sub titulo *Familiaæ Jesu Christi* pro educatione Alumnorum Sinensium & Indorum erecti extra Muros Civitatis Neapolitanæ, necnon Constitutiones Seminarii Corsini pro Italo-Græcis Albanensibus in oppido S. Benedicti de Ullano Bisinicensis Diæcesis fundati. Innovavit etiam die vigesima sexta præfati Mensis Innocentii XI. decretum, vi cuius Græcis cujuscunque status & conditionis prohibitum, ne pecunias peterent, aut alio quovis modo elemosynas pro terra sancta colligerent; cum enim sancta hæc loca Jerosolymitana, in quibus Verbum caro factum est, & nostræ reparationis Mysteria, Deo misere, completa sunt, hætenus administrationi, & custodiæ Sancti Francisci de Observantia a Sancta Sede Apostolica commissa nuperrimis

Z 3

hisce

Sæc. XVIII. hisce diebus a Græcis schismaticis
A. C. 1736. subornatis aulæ Turcicæ ministris de
 manu dictorum Fratrum S. Francisci
 summo latinorum dedecore usurpata
 sint iis, præcipue subsidiis, quæ ex fi-
 delium Christianorum eleemosynis in-
 dem Græci perceperunt; ut huic sce-
 leri modus imponatur, neve ex fide-
 lium pietate schismaticis, & perpetuis
 Ecclesiæ Romanæ hostibus aditus ad
 novas cumulandas injurias aperiatur,
 Sanctissimus Dominus Noster Inocen-
 tius PP. XI. suorum Prædecessorum
 summorum Pontificum vestigiis inhae-
 rendo etiam de Consilio, & Voto Emi-
 nentissimorum, & Reverendissimorum
 DD. S. R. E. Cardinalium Congrega-
 tioni de Fide Propaganda præpositorum
 omnibus, & quibuscumque S. R. E.
 Cardinalibus a latere Legatis, Nuntiis
 Apostolicis, Patriarchis, Archiepisco-
 pis, Metropolitanis, Episcopis, Ab-
 batibus, ceterisque omnibus Ordina-
 riis de utroque Clero sæculari, & Re-
 gulari Ecclesiasticam jurisdictionem
 tam ordinariam, quam delegatam in
 jurisdictionibus, sive suis Diocæsis
 respective exercentibus, in virtute sac-
 ræ obedientiæ injunxit, atque inhi-
 buit, ne de cetero quibuscumque Græ-
 cis tam sæcularibus, quam Ecclesiasti-
 cis, etiam Regularibus quacumque
 Digni-

Dignitate, quamvis Abbatiali, seu Sæc. XVIII.
 Archimandritiali, Episcopali, Metro- A. C. 1736.
 politica, Archiepiscopali, sive Patriar-
 chali fulgentibus tacite, vel expresse
 sub quocumque prætextu permittant
 pecunias quæsturare, vel quovis alio-
 modo eleemosynas a fidelibus petere,
 etiamsi de eorum unione cum Ecclesia
 latina per abjurationem Schismatis &
 fidei Catholicæ professionem in mani-
 bus Episcoporum, vel Inquisitorum
 contra hæreticam pravitatem literis te-
 stimonialibus docuerint, vel per alios
 Episcopos, & locorum ordinarios simi-
 lis quæstuationis facultates in scriptis
 acceperint, vel ad fidem de novo con-
 versi aliorum Schismaticorum iram,
 & insidias effugere conati sint, vel ad
 effectum reparandi Ecclesias ab Infide-
 libus dirutas, & non obstantibus aliis
 quibuscumque prætextibus, & causis:
 Immo potius omnes, & singulas lite-
 ras patentales a quocumque Præsule,
 etiam speciali nota digno, & a Tribu-
 nalibus Curiae Romanæ, & ejusdem
 S. Congregationis de Fide propaganda
 (dummodo contentis in præsentis De-
 creto specialiter, & expresse non fue-
 rit derogatum cum posteriori data) sta-
 tim ac in eorum Ordinariorum manus
 pervenerint, ad Sacram de Fide pro-
 paganda Congregationem transmittant.

Z 4

Cum

Sæc. XVIII.

A. C. 1736

Cum autem postea Clementi Papæ nuntiatum esset, non deesse ex Græcis Schismaticis, qui subdolis artibus, ac ementitis prætextibus Christi fidelium pietatem circumvenientes, in diversis Catholicis Regionibus pecunias questuare, seu eleemosynas colligere præsumunt, iisque ad eorum schisma confovendum, erroresque pertinacius retinendos, necnon ad ipsius veræ Fidei & Catholicorum perniciem contra eorundem fidelium mentem, ac intentionem, nequiter abutuntur, eapropter Clemens Pontifex innovato Innocentii XI. decreto non modo Græcis literas ad collecturam scripto datas revocari, sed eis etiam collectas pecunias adimi præcepit.

Prohibuit quoque die quarta Maii Benedictinis Congregationis Silvestrinæ, ne ad Tribunalia recurrant, nisi prævia appellatione ab Abbate Monasterii ad Abbatem Generalem: die autem decima sexta ejusdem Mensis indulgentias, quæ jam antea Doctrinam Christianam Romæ, in Italia, Insulisque adjacentibus, docentibus vel discipulis concessæ fuerant, ad universos Christi fideles ubicunque locorum existentibus extendit. Fratibus quoque Ordinis Minorum S. Francisci Capucinarum

norum inhibuit decreto vigesima tertia Sæc. XVIII.
 Maij promulgato, ne ab Episcopis in A C. 1736.
 Confessarios ordinarios Monialium de-
 putentur. Die autem prima Junij Con-
 fraternitatem sub invocatione S. Ca-
 tharinæ Senensis ad Archiconfraterni-
 tatem erexit. Insuper Pontifex die
 decima quarta Augusti omnibus & sin-
 gulis utriusque sexus Christi fidelibus
 qui sub horam noctis ad pulsum Cam-
 panæ Psalmum *de profundis*, vel semel
 Orationem Dominicam, & salutatio-
 nem Angelicam cum versiculo *Requiem*
æternam &c. in suffragium animarum
 Christi fidelium defunctorum flexis ge-
 nibus devote recitaverint, quo die ege-
 rint, centum dies de injunctis eis, seu
 alias quomodolibet debitis pœnitentiis
 in forma Ecclesiæ consueta relaxavit.

Insuper eisdem Christi fidelibus ve-
 re pœnitentibus, & confessis, & Sa-
 cra Communione refectis, qui per an-
 num præmissa peregerint, ac pro Chri-
 stianorum Principum concordia, hæ-
 resum extirpatione, ac Sanctæ Matris
 Ecclesiæ exaltatione pias ad Deum
 preces effuderint, plenariam in uno
 die cujuslibet anni duntaxat per
 unumquemque Christi fidelem ad sui
 libitum eligendo lucrificandam om-
 nium peccatorum suorum Indulgen-
 tiam

Sæc. XVIII. tiam, & remissionem misericorditer in
 A. C. 1736. Domino concessit.

Sub idem tempus nonnulli in dubium vocabant, an status seu Institutum Congregationis Portugallizæ Monachorum Ordinis S. Hieronymi sit Monachale, Benedictus XIII. autem jam anno hujus sæculi vigesimo quinto die vigesima octava Junij declaravit illud illiusque Religiosos inter Monachos vere, & proprie recensendos esse, voluit proinde, ac mandavit Pontifex, ut qui ordini præfato nomen dedissent illumque expresse professi fuissent, pro veris Monachis haberentur, cunctasque de Monachali ejusdem Congregationis Portugallizæ, illiusque Alumnorum appellatione, ac instituto controversias, si quæ excitatæ essent amputari, & removeri jussit, districte præcipiens, ne quis in posterum super hac re illis negotium faceretur, aut litem intenderet, ac alias prout in supradictis Benedicti Prædecessoris literis, quarum tenorem præsentibus pro plene, & sufficienter expresso, & de verbo ad verbum inserto haberi voluit, uberius continetur.

Ut autem hæc declaratio eo firmior esset, Clemens Papa die decima Novembris illam denuo auctoritate Apostolica

stolica confirmavit: quarto autem post Sæc. XVIII.
 die, ut tollatur in Congregatione Cle- A. C. 1736.
 ricorum Regularium Pauperum Matris
 Dei Scholarum piarum abusus frequen-
 tium appellationum, & recursuum,
 extra eandem Congregationem, quæ
 corruptela in eam sensim invehebatur
 statuit, ut nullus nisi in casibus vel
 in Jure, vel in Instituti legibus con-
 cessis, ita appellare valeat. Deni-
 que Pontifex ad exteras quoque Chri-
 stianæ Reipublicæ terras vigilem suum
 intendit oculum, & præcipue adfuit
 Maronitis, & genti huic, quæ suscep-
 tam a primis Ecclesiæ sæculis Catholi-
 cam fidem inter crebras Infidelium ac
 Schismaticorum vexationes semper pu-
 ram, incorruptamque servaverat; cum
 enim Patriarcha Josephus Gazenus ad
 Papam literas daret, eique significa-
 ret, quorundam perversitate plures,
 easque gravissimas in Ecclesiasticam
 disciplinam irrepsisse corruptelas, his
 perceptis mox Pontifex Josephum Af-
 semanium, Virum illo ævo longe cele-
 berrimum in Syriam Legatum misit,
 qui Kesroani ad Montem Libanum
 Synodum convocavit, in eaque con-
 ditis decretis saluberrimis collabentem Vid. infra
 Maronitarum disciplinam ad pristinum §. 74.
 splendorem revocavit.

§. LXXII.